



## Րաֆֆի

### Բանաստեղծի վիճակը

Այդ ախտաբորբոք ոգևորությամբ  
Պատանի, ո՞ր ես դու հափշտակված,  
Արդյո՞ք դեպի երկինք քո միտք սրաթռիչ  
Եթերս ճախրելու կոչում է աստված:

Հրեշտակաց հետ հրճվում ես դու,  
Եվ մոռացել ես քո բոլոր շրջան,  
Քո հոգեգրվարձ այդ ցնծությունը  
Չունի բնավ վերջ ու ո՛չ յուր վախճան:

Այդ ոսկի ժամուց բուպեք սրբազան,  
Այդ խորհրդական գբադմունք հանդարտ,  
Արհամարհանք ծաղրում է խուժան,  
«Չունի, ասում է, դա նախանձ կամ դարդ»:

Տե՛ս, որքան անհոգ, հիմար է այս մարդ,  
Թեև նա չունի հաց և ապրուստ:  
Արբըված է միայն յուր ցնորքներով,  
Եվ թափառում է մերկ և անհագուստ:

Բայց գո՛հ է քո սիրտ աշխարհի փառքին,  
Քեզ չէ՛ հրապուրում կյանքի ճոխություն.  
Եվ ո՛չ հարստի մամոնի սերը  
Դառնացնում է քո աղքատություն:

Դու նվիրված ես քո ազգի օգտին,  
Եվ նորա շահուն, հաստատուն ուխտով,  
Չոհեի ես նրան քո կյանք և վաստակ,  
Բոլոր գոյությամբ և քո չար բախտով:

Իսկ այդ սրբազան գոհաբերություն  
Ինչո՞վ վարձատրեց ազգը քո պաշտոն,  
Նա դրե՞ց արդյոք որևիցե գին  
Քո անգին գոհար խոսքերուդ զգոն:

Ո՛չ... հայիոյեց քեզ այն ապերախտը,  
Չլացավ հարգանք և ոսկու քսակ,  
Քո անգուգական ճգանց փոխարեն  
Կապեց ճակատիդ նա փշյա պսակ:

Արհամարհելով ոսակի չարություն,  
Դու վրեժխնդիր չեղար, բանաստեղծ,  
Քո քնար հնչե՞ց դարձյալ քաղցրաձայն,  
Երգեցիր քո երգ անաչառ, անկեղծ:

Թըշվառ է, պոետ, քո կյանքը անգին,  
Դու նմանում ես խեղճ թիթեռնակին,  
Որ սիրահարված լուսով ճրագին,  
Այրում է թևեր, փչում է հոգին: